



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

II. Secundum argumentum.

urn:nbn:de:hbz:466:1-16260

decimo nono capituli secundi versu clauditur.

*Disputatur de
Auctore libri
hujus.
Hon. De Script.
Eccl. in Phi-
lone.*

II. At quis ea in librum unum compegerit, itidem ut prioris Machabaici Auctōr, prorsus ignoratur. Philoni Judæo lucubrationem adscribit Honorius Augustodunensis; Josepho alii. At stili character à Philonis stilo discrepat, et si disertus est; nec in Philonis scriptioribus occurrit quicquam, unde non modo factum ipsius hunc esse, sed vel visum ipsi conjectare licet: quod esset sane alter, si Libri auctor extislet. Josepho autem cur sit adscriptus, causa manifesta est. Scriptis elegantem librum hoc titulo: *ἰερὰ μαχαβαῖον, ἡ μετὰ ἀνθεκτῶν τοπογραφία*, que Eleazari, septemque puerorum, ac piissimæ matris supplicia narrantur. Hinc Hieronymus: *Josephus Machabaeorum scriptor historie, frangi & regi posse dixit perturbationes animi, non eradicari.* Idem alibi quoque apud eundem reperias, sed & apud Eusebium. Fraudū hæc fuerunt vel imperitis, vel incautis lectoribus, qui expressum ex Machabaico secundo libellum, cum Machabaico ipso secundo confuderunt. Adde & nonnulla haberi in Archæologia Josephi, qua cum Libro illo non satis consentiant. At Serarius Judæ cujusdam Eſſæ opus hoc esse opinatur; quam opinionem his rationibus fulcit. Judæ primum id adscribi vult his verbis secundi capituli: *Judas ea que decidebant per bellum quod nobis acciderat, congregavit omnia, & sunt apud nos.* Tum deinde disquirens, quisnam fuerit ille Judas, eo tandem delabitur, ut conjecturas suas in Juda Eſſæo sistat, quod magna ejus fuerit inter Ägyptios Judeos auctoritas, & quod vaticinandi etiam facultate floruerit, ut ex Jolepho dicimus. Nec alium esse putat quam qui huic ipsi Epistola scribenda affuit, & in inscriptione nominatur. Atque hujus demum sententia auctorem laudat Rupertum. Ego contra hoc loco quem designat in secundo capite, minime adscribi puto Judæ isti Machabaici secundi lucubrationem. Judam ait res per bellorum motus dissipatas recollegisse; quod de Bibliotheca accipendum ostendit antecedens comma. At aliud est colligere libros, aliud scribere. Præterea demus Judam libros scripti, non ideo Machabaicum hunc scriferit. Nego etiam Judam Eſſæum hunc fuisse, qui etsi summa inter suos dignitate ac futurorum præcognitione, non ideo scribendi quoque facultate præstiterit. Nego denique cumdem esse Judam illum, quem Machabaicum esse verisimile est, ac qui in Epistola lemmate ponitur. Hanc ergo opinionem tam infirmis nixam radicibus corrue necesse est. Verum cum longe operiosus sit reperire verum, quam falso refellere; quis non fuerit hujus scriptiorum Auctor ostendisse contenti, quis fuerit tandem, eruditioribus aut felicioribus investigandum relinquemus.

III. Nunc quod instat agendum, & sua γνωστά ac antiquitas Libro huic inter Codices facros postremo afferenda est. Open id nobis præstat Epistola ad Ebræos, cuius hæc verba: *Alii autem distenti sunt, non sufficientes redēctionem, ut meliorem invenirent resurrectionem,* Theodoreetus, aliqui eruditæ viri complures, ex Eleazari & septem fratrum historia, sexto & septimo capitibus scripta, petita cœnserunt. Nam quod habet scriptor Machabaicus: *ἀνθερπός θνή τὸ τύμπανον περιῆρε,* sic redditus Paulus: *ἄλλοι δὲ ἐνυπνίῳνται.* Hinc quoque instruamus ad egregiam ejusdem causæ narrationem conscribendam videtur Josephus accessisse; vel quisquis auctor est libelli *τρεις ἀντερπέος λόγιοις*, scriptor certe antiquus. Apertissime vero meminit Clemens Alexandrinus: *τὸ συντεξαθρὸν τοῦ ἡραρχοῦ αὐτοῦ παραδίδειν εἰπούλιν.* Apertius etiam Origenes Machabaicum utrumque post Librorum facrorum recensionem commemorat, grandemque ex secundo hoc laciniam suis in Exodum Exegetis affuit, atque alibi saepe ejus testimonio sententias suas confirmat. Ejus quoque suffragio crebro se tuet Cyprianus. His subjungere possem Zenonem Veronensem, Ambrosium, aliorumque Can. Apost. 76. deinceps agmina tota, sed acquiescamus in Canonibus Apofolorum, apocryphis, ut voles, antiquis certe, qui Machabaicos tres agnoscent, & in Thalmudicis scriptoribus, à quibus septem fratrum historia celebratur.

